

Allannguutissatut siunnersuut

uunga

**Uunga siunnersuummut:**

**Suliffissarsiortunut ikiorsiissutit pillugit Inatsisartut inatsisaat**

Siunnersuut Naalakkersuisunit saqqummiunneqartoq aappassaaneerinninnermut atatillugu.

§ 13 -imut

**1. § 13 imatut oqaasertalerneqassaaq:**

“ **§ 13.** Inuit 18-29-inik ukiullit suliffissarsiortutut nalunaarsorsimasut qaammatini 12-ini, pisussaapput qinnuteqassallutik tigusissallutillu piffissaq tamaat suliffissamik sumiiffiup angerlarsimaffigisap avataani. Kommunalbestyrelse assigisaanik najukkap angerlarsimaffigisap avataani piffissaq tamaat suliffissamik innersuussisinnaavoq.

*Imm. 2.* Assigisaanik imm. 1 atortinneqassaaq inunnut 30-inik sinnerlugillu ukiulinnut, suliffissarsiortutut nalunaarsorsimareersimasunut qaammatini 24-ini.

*Imm. 3.* Kommunalbestyrelsillu aamma inuk pineqartoq pisussaaffilersinnaava, tak. imm. 1 aamma 2, allamik ilinniagaqarnermi peqataasussanngorlugu, sulilernissamut sungiusartitsisarnernut neqeroorutini peqataasussanngorlugu, imaluunniit pikkorissaqqinnissamik allamik innersuussinnaallugu angerlarsimaffigisap avataani, kiisalu pisussaaffilersinnaallugu angerlarsimaffigisap avataani suliasamik tigusinissaanik, sungiusaammik sulisitsinertut innersuunneqartumi, allamik ilinniagaqartitsiviusumi imaluunniit pikkorissaqqinnermik neqerooruteqarfiusumi.

*Imm. 4.* Imm. 1 atortinneqassanngilaq periarfissaqanngippat inissamik naleqquttumik suliffissarsiortutut pisartagaqartumut, taassuma aappaanut aamma meeraanut angerlarsimasunut 18-it inorlugit ukiulinnut pissarsiniarneq sumiiffimmi pineqartumi. Imm. 3 atortinneqassanngilaq inissamik naleqquttumik imaluunniit ineqarfissamik naleqquttumik innersuussisoqarsinnaanngippat, suliffissarsiornermut ikiorsiissutitik pisartagaqartumut.

## § 18 -imut

### 2. § 18 imatut oqaasertalerneqassaaq:

“ § 18. Suliffissarsiortunut ikiorsiissutinik inuk pisartagaqartoq killilersuiffigisaalersimaguni sisamariarluni, qaammatit 12-it imminnut atasut iluanni, taava pineqartoq sulilernissamut piareersimasutut isigineqarunnaassaaq, suliffissarsiortunullu ikiorsiissutinik tamakkiisunik pisartagaqarsinnaajunnaassalluni. Inuk pineqartoq suliffissarsiortunut ikiorsiissutinik annikillisanik ikiorsiissutisissaaq, tak. § 17, imm. 3, qaammatini 3-ni pisartagaqarsinnaajunnaarnerup qaangiunneranniit, § 17, imm. 1 naapertorlugu.”

Inatsisissatut siunnersuummut nalinginnaasumik oqaaseqaatit

### **Oqaaseqaatit nalinginnaasut**

Allannguutissatut siunnersuuteqartoqarpoq oqaatitsigut kukkunerit ataasiakkaat iluarsivigiumallugit inatsisissatut siunnersuutip kalaallisut allanneqarneraniittut, taamalu kalaallisut suliaq danskisuumut naapertuuttunngorlugu.

### **Inatsisissatut siunnersuummi aalajangersakkanut ataasiakkaanut oqaaseqaatit**

Nr. 1 -imut

§ 13, imm. 2, aamma § 13, imm. 3 kalaallisut allanneqarnerani oqaasertaat ataasiakkaatigut erseqqissaavigineqarput.

Nr. 2 -mut

§ 18-imi oqaaseqatigiinni kingullerni kalaallisut allanneqarnerani oqaasertaliussani ataasiakkaanik iluarsisoqarpoq, ersarissumik ersittunngorlugu inuup pineqartup suliffissarsiortutut ikiorsiissutisiassai killilersuivigineqartussaasut qaammatini 3-ni, piffissap killilersuiviusup kingulliup naanerata kingornagut.